





# Акафист священноисповеднику Виктору, епископу Глазовскому

## Кондак 1

Избранный от Господа святителю, преславный исповедниче, отче наш Викторе, подвигом крепкаго стояния за веру Православную озаривый землю Вятскую, и Церковь русскую святую, яко имеяй велие дерзновение ко Господу, от всяких нас бед и скорбей избавлей, да зовем ти:

Радуйся, святителю Викторе, правды Божия поборниче и расколов обличителю.

## Икос 1

Ангельския силы на небеси радовахуся чистому и святому житию твоему, святителю отче наш Викторе, яко от младенства возлюбил еси церковь святую, с любовию неленостно помогал еси родителю твоему во храме Божиим, мы же грешнии на земли, прославляя Святую Троицу, тако благоволившую о тебе, вопием сице:

Радуйся, из млада возраста Господа всем сердцем возлюбивый.

Радуйся, избранный сосуд Святаго Духа бывый.

Радуйся, с малых лет на путь духовнаго научения вступивый.

Радуйся, вся благая и красная мира сего Господа ради презревший.

Радуйся, от отрочества чистым житием Господеви угодивый.

Радуйся, научением слова Божия и усердною молитвою от юности себе питаемый.

Радуйся, службы Божия всегда усердно посещавый.

Радуйся, весь ум ко Господу устремивый.

Радуйся, святителю Викторе, правды Божия поборниче и расколов обличителю.

## **Кондак 2**

Видя суету мира сего, ты, святителю отче наш Викторе, Ангельский чин воспрियाи пламенно восхотел еси, вопия возлюбленному тобою Господу: Аллилуиа.

## Икос 2

Разум имея озарен благодатию Божию,  
преславне отче Викторе, восхотел еси тьму  
нечестия и заблуждення в пастве саратовстей  
искоренити, и просветити ю светом истиннаго  
Боговедения и благочестия, сего ради глаголем  
ти:

Радуйся, истинныя премудрости исполненный.

Радуйся, обитель Святыя Троицы добре  
устроивый.

Радуйся, Божественныя истины проповедниче.

Радуйся, чувашей в Православии ревностный  
наставниче.

Радуйся, лукавых учений века сего мудрый  
обличителю.

Радуйся, суеверий и пороков мужественный  
искоренителю.

Радуйся, сомневающихся в вере добрый  
просветителю.

Радуйся, правыя веры и добродетелей  
насадителю.

Радуйся, святителю Викторе, правды Божия поборниче и расколов обличителю.

### **Кондак 3**

Во Святую Землю силою Божией предивно ведомый, святителю отче наш Викторе, в земнем Иерусалиме подъял еси труды, Господа ради, о укреплении и очищении веры Православныя и тамо у Гроба Господня во умилении сердца воспевал еси ангельскую песнь: Аллилуиа.

### **Икос 3**

Имея непрестанное попечение о укреплении веры Православныя на Святей земле Израилевей, обличал еси, всемудрый святителю, учения безбожныя, яко змеи коварно в Палестину проникшия и ядом своим народ ея губившия, и ко единству Вселенския Православныя церкви чад ея призывал еси, усердно в соборе Святыя Троицы во граде Иерусалиме о том моляся. Мы же воспевая святую ревность твою, глаголем сице:

Радуйся, во святем граде Иерусалиме усердно служивый.

Радуйся, у Гроба Господня о чистоте  
Православия молитвы возносивый.

Радуйся, всюду о русских людях тамо слезно  
Господа моливый.

Радуйся, лукавство учителей безбожных  
неленостно обличивый.

Радуйся, к покаянию свою паству призывавый.

Радуйся, о родной России каждодневно  
скорбевый.

Радуйся, послужити народу русскому пламенно  
желавый.

Радуйся, и на Святей Земле о сем труды своя  
прилагавый.

Радуйся, святителю Викторе, правды Божия  
поборниче и расколов обличителю.

#### **Кондак 4**

Бурею помышлений сумнительных и стремлений  
мятежных волнуема, Русь якоже ладия  
прободенная колебашеся, ты же святителю, яко  
столп непоколебимый и адамант твердейший,  
хранити верность Православней вере паству

свою призывал еси, поя непрестанно Христу Богу: Аллилуиа.

#### **Икос 4**

Возлюбив пустынное житие Зеленецкия обители, восходя от силы в силу, украсися ту многими добродетельми. Отсюда же взятся во управление Александро-Невския Лавры, жития твоего ради, сице и мы похвально вопием ти:

Радуйся, Пресвятей Троице неленостный служителю.

Радуйся, монашествующих добрый окормителю.

Радуйся, воли Божией смиренный послушнике.

Радуйся, раскольников грозный посрамителю.

Радуйся, преподобнаго Мартирия кроткий почитателю.

Радуйся, добродетелем святых усердный последователю.

Радуйся, суемудрия и нечестия прогонителю.

Радуйся, о душах христианских мудрый попечителю.

Радуйся, святителю Викторе, правды Божия поборниче и расколов обличителю.

### **Кондак 5**

Егда тяжкое искушение найде на Церковь русскую, воздвиже тя Господь, яко исповедника Своего, супротив гонителей безбожных и достойно омофор священный нося, путем скорбным неустрашимо устремился еси, верою пламенея и на всяк час живот твой за Христа положить уготовися, поя Ему: Аллилуиа.

### **Икос 5**

Видеша тя, святителю Викторе, яко яркий светильник во мраке безбожия светящаго и безчинства безбожных власти обличающаго, народ вятский возлюби тя, и мужественному твоему исповеданию последуя, взывал к тебе сице:

Радуйся, пастырю наш мужественный и твердый.

Радуйся, отче наш любвеобильный.

Радуйся, к правде Божией нас ведущий.

Радуйся, не бояться бесовския злобы нас научающий.

Радуйся, до конца стояти за веру Христову нас призывающий.

Радуйся, в скорбех и испытаниях не унывающий.

Радуйся, мужеством святителю Ермогену уподобивыйся.

Радуйся, темничнаго заточення Христа ради не убожавыйся.

Радуйся, святителю Викторе, правды Божия поборниче и расколов обличителю.

### **Кондак 6**

Проповедником правыя веры и благочестия в годину лютых гонений на церковь Православную был еси, прехвальне святителю Викторе, безбоязненно обличая пагубную обновленческую ересь и призывая паству свою не следовати самозванным раскольником и не уподоблятися сим льстецам, но мужественно держатися веры Православныя, воспевая возлюбленному Господу: Аллилуиа.

### **Икос 6**

Возсиявый на Вятстей земле яко светильник пресветлый, во дни кроваваго мяте?жа,

богомудре святителю Викторе, всем унывающим и во отчаянии пребывающим людям путь спасения показуеши и из сетей обновленчества их выводиши, призывая остерегаться лжепастырей, извращающих святую истину и учение Православное в угоду прелестем лукаваго мира сего. Темже поклоняющесе мужеству твоему взываем ти сице:

Радуйся, крестный путь с паствою твоею прошедый.

Радуйся, тесным путем скорбей и страданий пасомых ко Христу приведый.

Радуйся, лести обновленческия отвращатися призывавый.

радуйся, коварство и властолюбие лжепастырей обличавый.

Радуйся, льстивое красноречие слушати не велевый.

Радуйся, к Царствию Божию взоры своя устремляти учивый.

Радуйся, паству твою в Православии укрепивый.

Радуйся, клевету и гонения от лжебратий мужественно претерпевый.

Радуйся, святителю Викторе, правды Божия поборниче и расколов обличителю.

### **Кондак 7**

Хотя быти пастырь добрый, любя овцы своя, не убоялся еси беззаконных мучителей и ревностно обличал еси ересь обновленческую, темже стяжал еси велию благодать у Господа, поя Ему радостно: Аллилуиа.

### **Икос 7**

Новаго и дивнаго поборника чистоты Православия видим тя, святителю Викторе, яко биений и темничнаго заточения не устрашился еси и мужественно взывал еси словами апостола: Молю же вы братие, остерегайтесь производящих разделения и распри, вопреки учению, емуже вы научилися. Восхваляюще Православное ратоборство твое, благодарственно вопием ти:

Радуйся, волков хищных обновленческих грозно обличавый.

Радуйся, поношения и злооклеветания претерпевый.

Радуйся, ненависть и козни их простивый.

Радуйся, претерпевый за истину суровое злочение.

Радуйся, яко народом вятским горько оплаканный.

Радуйся, паству свою на подвиг исповедания веры благословивый.

Радуйся, над всеми бесовскими кознями восторжествовавый.

Радуйся, горячие молитвы о многоскорбной России непрестанно возносивый.

Радуйся, святителю Викторе, правды Божия поборниче и расколов обличителю.

### **Кондак 8**

Странно есть маловерным и малодушным слышати како святитель Виктор во дни гонений, егда кровь Православная реками напитала землю русскую, дерзновенно обличает отринувших православную веру и призывает: Лучше пострадати истинныя веры ради, нежели диаволу поклонитися. Темже почитая святое

исповедание твое, поем укрепившему тя Богу:  
Аллилуиа.

### **Икос 8**

Весь предан был еси Иисусу Сладчайшему,  
святителю отче наш Викторе, егда изгнание, и  
заточение претерпел еси, непрестанно со  
усердием моляся о земле Русской и о людех ея.  
Темже мы, почитая твое мужество сице вопием  
ти:

Радуйся, гонения и поругания Христа ради  
стойко претерпевый.

Радуйся, любовь ко Господу и во изгнании  
преумноживый.

Радуйся, и в заточении паству твою с любовию  
ободрял еси.

Радуйся, в глубине Соловецкаго леса Троицу  
Святую прославлял еси.

Радуйся, яко вся тебе присылаемая страждущим  
и болящим раздавал еси.

Радуйся, яко велию благодать от Господа стяжал  
еси.

Радуйся, ненавидящих тя от всего сердца прощал еси.

Радуйся, образ Божий в своем сердце неизменно носил еси.

Радуйся, святителю Викторе, правды Божия поборниче и расколов обличителю.

### **Кондак 9**

Всякия скорби безропотно претерпел еси, всякия лишения, обиды, Болезни, поругания с любовью и кротостию принимал еси, святителю отче наш Викторе, неустанно взывая ко Господу Богу: Аллилуиа.

### **Икос 9**

Ветии многовещанная не возмогут по достоянию воспети подвиги твоя, святителю отче Викторе, яже претерпел еси от безбожных властей и предателей обновленческих за веру правую святую. Мы же почитая прискорбный путь твой во исповедание веры Православная из глубины души глаголем ти:

Радуйся, яко во мраке безбожия правую веру утверждавый.

Радуйся, мучителя своего кротко простивый и от беснования его исцеливый.

Радуйся, пощады от безбожных властей не просивый.

Радуйся, оклеветания и поношения стойко терпевый.

Радуйся, страну северную всем сердцем возлюбивый.

Радуйся, молитвы о поруганной Руси в чаще лесной возносивый.

Радуйся, отроком помощник добрый был еси.

Радуйся, болящее дитя молитвою исцеливый.

Радуйся, святителю Викторе, правды Божия поборниче и расколов обличителю.

### **Кондак 10**

Спасти хотя паству твою и Русь любимую от кроваваго мятежа и раскола церковнаго пламенно взывал еси ко Господу, святителю наш предивный, и слезно умолял еси Его да укрепит Он церковь Святую Православную и очистит ю от язвы обновленческаго, дабы не коснулась душ наших богомерзкая еретическая скверна и да

возмогли бы мы чистым сердцем воспевати  
вкупе со всеми святыми песнь Господеви:  
Аллилуиа.

### **Икос 10**

Стена, ограждающая русских людей от нечести  
еретическия, раскольнической, явился еси в  
Церкви Православней, святителю отче Викторе,  
показуя собою образ мужественнаго стояния за  
Истину Святую, темже и мы ныне со  
благодарением взываем ти:

Радуйся, лезть и лукавство всем сердцем  
возненавидевый.

Радуйся, страдания за Христа и церковь Его  
радостно претерпевый.

Радуйся, страданием исповедание веры  
совершивый.

Радуйся, в веси северной Нерице упокоение от  
Господа приявый.

Радуйся, яко Господь чудным образом гроб твой  
сохранивый.

Радуйся, святыми мощами своими землю  
Вятскую освятивый.

Радуйся, вкупе с новомученицы и исповедницы  
Российскими землю Русскую прославивый.

Радуйся, преданностию Православию любовь  
всех Руси стяжавый.

Радуйся, святителю Викторе, правды Божия  
поборниче и расколов обличителю.

### **Кондак 11**

Пение смиренное и усердное принесл еси  
Пресвятей Троице, священноисповедниче  
Викторе, не точию умом, словом и духом, но  
всего себе в жертву отдал еси. Темже  
поклоняся нетленным и благоуханным мощем  
твоим, радостно поем дивному во святых Своих  
Богу: Аллилуиа.

### **Икос 11**

Светозарный светильник на верху горы стоящий  
и всей России путь ко спасению освещающий  
являешься, пречудный святителю Викторе, ибо  
и в наши мятежные времена призываеши  
паству Русскую отвратиться от лъстивых  
учений обновленческих и твердо хранить заветы  
Православия. Мы же припадающе к раце мощей  
твоих и иконе твоей поклоняющеся, из глубины  
души взываем ти сице:

Радуйся, звездо светозарная, в земле Русской сияющая.

Радуйся, всегдашняя молитва, о нас к Богу неумолкающая.

Радуйся, за отечество твое пред Господом милостивый печальниче.

Радуйся, всем Богу служить хотящим мудрый наставниче.

Радуйся, Русския земли радование.

Радуйся, светлое зеркало правды церковныя.

Радуйся, козней безбожныя власти не убоявыйся.

Радуйся, Истину Божию паче славы земныя возлюбивый.

Радуйся, святителю Викторе, правды Божия поборниче и расколов обличителю.

### **Кондак 12**

Благодать данную ти от Бога ведуще, радостно имя твое вспоминаем, святителю отче Викторе, и с теплым молением ко всечестному образу твоему притекающе, прилежно молим тя: укрепи

нас маловерных и малодушных, настави нас на путь истинного покаяния, в Православной вере сердца и души наша утверди, да обрящем у Господа спасение и воспоем Ему из глубины сердечныя: Аллилуиа.

## **Икос 12**

Поюще дивное и праведное житие твое, воспевающе терпение и исповеднические подвиги твоя, прославляя скорбную кончину твою во изгнании, приносим ти умиленные глаголы сия:

Радуйся, теплый пред Господем о нас молитвенниче.

Радуйся, противу врагов церкви Христовыя пламенный противоборниче.

Радуйся, проповедником Божественныя истины дивный споспешниче.

Радуйся, о земле и народе вятском милостивый пред Господем ходатаю.

Радуйся, яко предивным Благоуханием святых мощей твоих ревностный о истине глашатаю.

Радуйся, Царя Небеснаго скорый  
умилостивителю.

Радуйся, благосердый помощник всем  
совершающим святую память твою.

Радуйся, целитель душ и телес.

Радуйся, святителю Викторе, правды Божия  
поборниче и расколов обличителю.

### **Кондак 13**

О преславный пастырю, и исповедниче  
святителю отче наш Викторе, прими ныне от  
нас грешных сие похвальное пение, и твоими  
святыми молитвами поющих тя в Православии  
укрепи, от пагубных ересей и расколов защити,  
от волков коварных, расхищающих стадо  
Христово, жезлом молитв твоих далече отжени,  
крепкое стояние за церковь Православную и  
законы ея в сердцах наших утверди, да  
неленостно совершивши путь своего спасения,  
сподобимся в Царствие Небесное внити и вкупе  
с тобою воспевати Христу Богу: Аллилуиа.

**Сей Кондак читается трижды, затем Икос 1 и  
Кондак 1.**

## Молитва

О, священная главо, святителю Божий отче наш Виктор! К тебе, предстателю святой, прибегаем, яко не имамы дерзновения ко Господу за премногия грехи наша. Ты же, отче святой, в земном житии твоем столп веры православных быв и исповедник добрый, укрепи нашу веру, да возможем противустати всем кознем лукаваго, испроси нам у Всемилостиваго Бога вся благопотребная душам и телесем нашим. Церковь Русскую от ересей и расколов сохрани, да пребудет до скончания века чистая и непорочная Невеста Христова, заблуждающих обрати, недугующих исцели, юныя просвети, да уведят благочестия доброту и греха безобразие, даждь нам утешение в печалех, пробуди в сердцах наших покаяние, возжги в сердцах наших пламень Божественныя любви и всем вся даруй, яже ко спасению, и подаждь нам твое святительское благословение, да тем осеняеми избавимся от всякия беды и напасти, и да будем благоуспешны в трудех наших. Услыши моления наша, всеблаженне отче наш Виктор, к раце мощей твоих с верою и любовью припадающих, яви нам многомощное твое заступление, соблюди град твой Вятку, его же возлюбил еси, и вся грады и веси русския от напастей ненаветны, да славим дивнаго во святых Своих Бога, Отца и Сына и Святаго Духа, ныне и присно и во веки веков. Аминь.